

محل مطبعه و اداره :

جغسال اوغلنده امنيت

صندوغی حوارنده

شنکول يقوشنده

۲۲ نوسرو

مستطابق

۱۳۲۶

اخطار :

مسلكمزه موافق آثار

جدیده مع الممنونیه

قبول اولنور

درج ایدله یین آثار اعاده اولنماز

دیه ، فلسفه ، علوم ، حقوق ، ادبیات تاریخ ، و سیاستنامه و بالخاصه احوال و شئون اسلامیه در بحث ابر و ذلالتده بر نشر اولنور .

آبونه بدلی

صاحب و مؤسسلری :

ابوالعلاؤین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قبرله دن مقوا بورو ایله کوندربیلر سه سنوی

۲۰ غروش فضله آلنیر

سنة لکی	التي آیلانی	غروش
ممالك عثمانیه ایچون	۶۵	۳۵
روسیه	۶۵	۳۰۵
سائر ممالك اجنبیه	۱۷	۹

عدد : ۱۲۶

۲ صفر پنجشنبه ۲۰ کانون ثانی ۳۲۶

بشنجی جلد

قلب ملتی جریحه دار ایده جک بر حال تحمل فرسایه وارم شد. دول
اربعه حامیه نك تهمدات و تأمینات مکرر سینه رعماً جزیره ده بولنان اوتوز
بیکی متجاوز زوالی اهالی مسلمه بوکون بالفعل هر در لو حمایه و صحابتدن
و کافه حقوقدن محروم اوله رق هر دقیقه موتک تهدیدی آلتده غایت
ایلم بر حییات امرار ایتمکده در . قتل نفوس و نهب و غارت و اماکن
مقدسه و مقابر و مخدراته تعرض کبی فضایح و جنایاتک هر کون بر
صورتله تشدید شاعت ایلمسی اوراده کی ییچار کاتک فی الحال جناب
ذوالجلال دن غیری بر خلاصکارلری قالدیفنه دلالت ایدیور . محضاً
عثمانلیلک کریده بقای شان و شرفی و تشدید آثار فعلیه سی ایچون
هر در لو ظلم و تضییقه قارشو بونجه سندن برو مجاهدانه ثبات ایدرک
وطنک حقیقی اولادی اولدیفنی اثبات ایلمش اولمقدن بشقه زداغیارد
بیله بر قباحتی اولیان عنصر اسلامک بویله مهلکه کرده بر اقل مسنه ملت
نجیه مزک قسطاً راضی اولدیفنی معلوم داور افرخ میلریدر . اه عشقنه اولسون
اویچاره قرداشلریمزک عموم ملت عثمانیه جه محترم اولان جان و عرض
ومالترینک جدی و فعلی بر صورتده تحت تأمین النسی اسباب عاجله سینه
کمال اهمیتله توسل بیورمکزی بحسب الوکاله نیاز و استرحام ایلم فرمان.

کرید رسمو اهالی مسلمه سی

وکیل عمومیه سی دعوی وکیل

احمد ساقی

اسیای وسطی فلاکتزدگانی

۴ - ه کانون ثانیه وقوعه کلن زلزله لری ، روسیه دن کلن
غز نه لر مدھش بر صورتده تصویر ایلمکده درلر . زلزله نك شدتده
معروض قالان پرژیوالسکی شهری صوڪ زلزله ده خارجه ارتعاشات
و علاقسی بوسبتون منقطع اوله رق اطرافی درین خندقلر ، وادیلر
اولمشدر . هیچ بر طرفدن شهره دخول ایچون یول قالمشدر .
برچوق یرلر مظلّم حفره لر حالتده منقلب اولمشدر . یرلر یارلدیفنی وقت
مدھش صدار طنین انداز اولمش ، صولر ، طاشلر جو هواده ایچه
یوکلده شددر .

بیکلرجه اهالی شوشدت شتاده کنیش ، واسع قیرلرده ، صحرا
لرده چادرلر آلتنده امرار حیات ایتمکده درلر . اهالی بی دهشت و
فلاکت صوڪ درجه ده استیلا ایتمشدر . روسیه حکومتی فلاکتزدلره
معاونت ایتمک اوزره فداکارلقلر اختیار ایتمکده اولدیفنی حالده اهالینک
دهشت و سفالتی بر درلو ازاله ایدیله میور .

(صلیب احمر) جمعیتی اون بش بیک روبله ، اعانه ده

بولمشدر .

ایکیده بر اوچیوز ملیون اسلامدن آغز طولوسیه بحث ایدن
دارالخلافه مسلمانلری ، فلاکتدیده قارداشلری حقنده کی حسیات
قلیه لرینی آکلاسونلر ! بتون روسیه جمع اعانات ایله چالقانوب طور دینی

حالدده مرکز خلافتده اونودولوب کستدی بیله . بویله عظیم بر فلاکت
قارشوسنده دارالخلافه ده چیقان کونده لک غز قارلرینک بو
قدر لاقید قالملری ، هم عرق و دینداشلق شویله اون ، انسانیت
نقطه نظرندن بیله شایان مؤاخذه در . باری ولایتده کی غ اعانه دفترلری
آچهرق ارباب حمیتی تشویق ایتمشدر .

بوفلاکتزدده قارداشلر منمنفعته بر قوتفه رانس و یرمک ایسته دیکمزی
کچن هفته یازمشدق . بو قوتفه رانسک استفاده لی منظم وجدی اولمشه
غیرت ایدیلیور . پروغرام قسماً تحت قراره آلتدی . کله جک هفته
بتون تفصیلاتیله اعلان اولنه جقدر .

صراط مستقیمک نسخه فوق العاده سی ده اوکیجه یه یتیشدیرلمسی
مقرر اولدیفندن اهدای آثار بیوره جق ذوات کرام بر هفته یه قدر
بازدقلمی اداره خانه مزه کوندرملری رجا اولنور .

خلیل خالد ، کامل وادهم نژاد بکلردن ده نسخه فوق العاده
مخصوص بر اثر ارسال بیورملری تمنی اولنور .

اسیای وسطی فلاکتزدگانی ایچون تبه دللی زاده کامل بک طرفندن
بر لبرای عثمانی ایله کپالری عثمان توفیق افندی طرفندن بر مجیدیه
کوندرملک صورتیله ابراز حمیت اولمشدر .

کریده مظالم

آتنه خابر مخصوصندن «روم ایلی» رفیقزه وارد اولان تلغرافنامه در .
«حانیهدن بوکون وارد اولان بر تلغرافنامه ده قصیه مذکورده ده
غلیانه کتیریلن و هوای اختلال ایله سرمست اولان خر-قیانلر طرفندن
ینه بر اسلامک قتله تشبث ایدلمشدر . زوالی مظلوم بیک مشکلاتله
اولمکدن قوریتیه بیلمش ایسه ده تهلکه لی صورتده مجروحدر . رسمو
جنایتی ایچون اولجه وقوع بولان اشماتمه دائر تفصیلات جدیدده آلدیم .
اورادددرت مسلماندن بری قادین اولمق اوزره ایکینسی شهیددوشمش ،
ایکینسی ده آغیر بر صورتده و مختلف یرلردن یارالانمشدر .

کریدکمی ، یونانکمی حامیسی اولدقلمی بر درلو آکلاشیه میان
دول معظمه جزیره احوالنه نظر دقتله باقوب تدابیر جدیده اجراسنه
مسارعت ایتمزلرسه بو جنایاتک دهامدھش بر صورتده توالی ایده چکنه
شبهه یوقدر . مع مافیه ، کرید اوزرنده تکون ایدن هر حادثه خونین
بر عثمانلیلره قانلی بر دررس عبرت اولمایدر . اول و آخر جزیره اوزرنده کی
حقوق مقدسه حاکمیت مزله مظلوم اسلام قرداشلر مزک محافظه و حمایه سی
بزه مترتبدر .

«روم ایلی»

صراط مستقیم مطبعه سی : مدیر مسئول : اشرف ارباب